

KUATIA OÑEMOHENDAHÁPE MBA'ÉICHAPA OÑOÑE'ÈME'ËTA PARAGUAI ÑE'ËNGUERA SãMBYHYHA HA TETã REKOMBO'EPAVÈ KUAARA'ã HA ÑEMBOAJE RENDA

Paraguay Táva, 26, jasyo ary 2022-pe, mokõive temimoĩmby oñemboja oñoñe'eme'ẽ ha'gua Tembiapo Guasu Moñondiverã, Paraguai Ñe'ënguera Sãmbhyha, ko'ãga guive "PÑS", hógava tape Guido Boggiani PPy. 6260 ári, R.I.5 Gral. Diaz ha R.I.4 Curupayty mbytépe Paraguay Táva, Paraguai Retãme, omotenondéva Sãmbhyháramo kuñakarai Ladislaa Alcaraz de Silvero, ha Tetã Rekombo'epavè Kuaara'ã ha Ñemboaje Renda ko'ãga guive "TRKÑ", hógava tape William Richardson PPy. 546 Incas ha Azteca mbytépe Paraguay Táva, Paraguai Retãme, omotenondéva Moakãháramo Kuñakarai **Dina Matiauda Sarubbi**, Moakãhára Aty rérape, ko'ãga guive ojeheróva "Mokoĩve", ojokupyty omboheraguapývo ko Ñoñe'eme'ẽ Ñepytyvõrã ko'ã mbojojaha ha vorekuera ojerureháicha:

OIKUAAUKA:

Avei, Mokõive oikuaaka oikotevẽha oñoñe'eme'ẽ omba'apo ñomoirũ ha'gua mokoĩve temimoĩmby, omboguapy tembiaporã rape, ikatuha'guáicha ojoykeko katui oñemyasã, oñakarapu'ã ha ojeipysove Tekombo'epavè Paraguaipe.

Avei, Mokõive oikuaa ha omomba'eguasú tetã arandupy ñemombarete, ha upéicha avei oikotevẽ ombohasa ojupe tembiasaita Tekombo'epavè Paraguai ryepýpe, peteĩteĩ imba'apoha guive.

Avei, Mokõive ohechakuaa iporãtaha omboguatárõ tembiapo ha omombareteverõ maranduasã ñembohasa ojupe, tembiasaita, arandukue, maranduita ñembyatypy, ha hetave tembiapo ikatúva mokõive temimoĩmby omboguata oñondive.

Avei, Mokõive temimoĩmby ipokatu ha oguerékoha Léi ha kuatiakuera ojeruréva oñemboaguata ha'gua hekopete ko Ñoñe'eme'ẽ Ñomoirũ, ha mokõive ko'ã tetã remimoĩmby omboheraguapýseha ko ñoñe'eme'ẽ, oñemboagatátava ko'ã mbojojaha ha vorekuera rehe:

VORE PETEĨHA: MA'ERãPA

Mokõive omoneĩ omba'apotaha ñomoirũme ombohapévo umi tetãmegua apopyranguera jekuaara'ã ha kuatiakuera ñemboajerã; tembiapo joaju mbarete tetã arandupy akãrapu'ãverã; avei tembiporu pyahukuera ha maymave aporeko pyahu ñemombarete ha ijeporu hekopete, ombohasakuévo ojupe marandu, tembiasaita, arandukue, maranduita ñembyatypy ha hetave tembiapo ikatútava mokõive temimoĩmby omboguata oñondive. Upéicha avei, ojoykeko ombokatupyry ha omoaranduve ha'gua



mba'apoharakuérape jekuaara'ã ha kuationa ñemboaje Tekombo'epavẽ rembiapotee reheguápe.

VORE MOKÕIHA: MOKÕIVE TEMIMOÏMBY REMBIAPORÃITE REHEGUA

Tembiapo joaju heñóiva guive ko Ñoñe'eme'ẽ Ñomoirũ ryepýpe ojejpóta apopyrãnguéra téra rembiaporã'aty apytépe omoneĩmbyrévamava Mokõive temimoĩmby. Apopyrãnguérape oñemyesakãta viru ojejpórútava, mba'e mba'épa rembiaporã, mbojohakuéra ha mba'éichapa oñemboguatáta, avei marandukuéra ojehaitava oñondive rembiaporegua ojehechakuaávo moõ ha mba'eichaitépa oñeikotevẽ.

VORE MBOHAPYHA: VIRU JEPORURÃ REHEGUA

Ko Ñoñe'eme'ẽ Ñomoirũ noñapytĩri ojuehe Mokõive temimoĩmbýpe viru jeguerekópe. Temimoĩmbykuéra ikatu omohenda ijehegui iviru jeporu hembiapoteerã oikotevẽháicha, oñembogupyháicha Vore Mokõiháme, ojehechakuaávo mboy virúpa ojejuereko upeva'erã.

VORE IRUNDYHA: TEMBIAPO ÑEMBOHAPE REHEGUA

Ojehupyty hağua opaite mba'e oñembogupýva ko Ñoñe'eme'ẽ Ñomoirũme, oñemoĩta Mokõive temimoĩmbypegua mba'apohára ojejpovopyréva oñomoirútava ko tembiapo ñeisãmbyhyrã ha omoneĩtava mokõive temimoĩmby mburuvichakuéra.

Ko Ñomoirũmby oguerekóta hembiapoteéramo apopyrãnguéra ñembosako'i ha ñembohape, ha upéicha avei apopyrã ñemboguata, jesareko ha jehapykueho.

VORE POHA: TEMBIAPO JEHAPEJOKO'Y REHEGUA

Ko jehaipy ndohapejokói mokõive temimoĩmby oĩva ko ñoñe'eme'ẽ ryepýpe, oñe'eme'ẽvo omba'apo hağua ambue temimoĩmby ndive, taha'e tekoatygua, tetã ryepypegua téra tetã ambuegua ndive, omboguatávo koichagua apopyrã téra hesegua'ýva ko Tembiapo Ñomoirũme ojehaiháicha. Peichahágui peteiva mokõive temimoĩmbygui ogueroikese ambue temimoĩmbýpe ko ñoñe'eme'ẽme ojehpypypotávo oñembogupýmava apopyrãnguérape, omomanduva'erã ambue temimoĩmbýpe iñemoneĩrã.

VORE POTEÏHA: ÑEMYSÃI HA JEIKUAAUKA REHEGUA

Opaite tembiapo ñemysãi ha jekuaukarã ko Ñoñe'eme'ẽ Nopytyvõrã ryepýpe oĩva, oñembogupýta mokõive rembiaporãteéramo. Upéicha avei, opamba'e ojeikuaukávape, taha'e *cartel* téra ambue tembiporu ñemysãirã ha ambue mba'e jehucharã, ikatúva ojepoko téra oñemysãiva tembiporupyahu rupive, oguerekova'erã katute Mokõive Temimoĩmby ra'angatee ojeheguaitéva ha ojekuajajava'erã. Mokoive temimoĩmby oñongatuva'erã peteĩ tembiapo téra heseguáva ojejpóva guive ohóvo. Opaichagua tembiapoita ojejpómava oñemysãi ha ojeikuaukãta, oĩva'erã ko'ağagua mbojohakuéra poguýpe.



VORE POKŌIHA: ÑEMBOPUKUVE TÉRÃ ÑEMOAMBUE REHEGUA

Umi mba'e noñemboguapýiva ko Ñoñe'eme'eme ikatúta oñemoĩnge ipype ñembopukuve térã ñemoambue rupive, ha oñemoañetéta *adenda* rupive, opytátamava ko ñoñe'eme'ẽ ryepýpe.

VORE POAPYHA: JOAVY HA TENDA IÑEMYATYRŌRÃ REHEGUA

Oĩramo joavy térã apañuái ojoapytépe, oñeha'ãmbaitéta mokõive temimoĩmby oñemyatyrõ hağua Ñomoirũmby rupive, ýrõ katu oñembohasáta mburuvichakuéra renondépe tenda oñeikotevẽhápe.

VORE PORUNDYHA: IPUKUKUE, ARAKA'E PEVE HA ÑEMBOPYAHU REHEGUA


Ko Ñoñe'eme'ẽ oñepyrũta ojeporu oñemboheraguapyha ára guive ha ojepysóta **po (5) ary** peve, ikatúta ojeipysove mokõive ojokupytyma guive ojehapykueho rire tembiapoita Ñomoirũmby rupive.

VORE PAHA: ÑEMONDOHO REHEGUA

Oimerãeva Mokõive apytégui ikatúta ojerure jehaipy rupive oñemondoho hağua Ñoñe'eme'ẽ 60 (poteĩpa) ára oñemohu'ã mboyve. Upéicha oikóramo, ndaikatumo'ãi ambue temimoĩmby ojerure térã he'i mba'eve taha'e ha'éva rehe. Oñemondohóramo ñoñe'eme'ẽ oñemboguatáta tembiapokuéra oñepyrũmava oñemohu'ãmba meve.

Ohechaukávo ojupe ojokupytyha oñemoñe'ẽ ha oñemoneĩ rire jehaipy, Mokõive Temimoĩmby Sãmbyhyhára omboheraguapy 2 (mokõi) kuatia ojueheguaite, mokõive Paraguái ñe'ẽ teépe, guarani ha castellano, tenda ha arange oñemboguapyháicha yvate gotyove.




DINA MATIAUDA SARUBBI
Moakãha
Tetã Rekombo'epavẽ Kuaara'ã ha
Ñemboaje Renda




LADISLAA ALCARAZ DE SILVERO
Sãmbyhyhára
Paraguái Ñe'ẽnguéra Sãmbyhyha